



65. ԿԱԽԱՐԹԸ

Մին հիվանդ մարթ, մին խուրջին օսուքը քրցած կյամ ա մին
անպուրի քըշտե կաղնում: Էտ թամուղ-թաքյուղ անպուրը, էտ
զիլզիլան ճոճը վեր տեսնում ա, կուժավ ճոճ տանող կնանոցն ասում
ա. — Ա կնանեքյ, մին պատառ ճոճ տվաք, խմիմ:

Կնանեքյն ասում ըն. — Քյուլվիս տո՛ւ, քյինն կորե:

Մին օրիշ կընեգյ ասում ա. — Ախճի, խե՞ ճոճ չըք տամ:

Պիրում ա, կուժեն դըրետավը ճոճ տամ էտ մարթեն, համ էլ
ասում. — Ապեր, մեր տոնը հեն ա երի ընգյունեն, կըկյաս մեր տոնը:

Էտ մարթը ասում ա. — Խե՞ չըմ կյա՛լ, կըկյամ:

Վեր մթնում ա, քյինն ա ընդահանց տոնը: Մարթն ասում ա.

— Ա՛ կնեգյ, էս հի՞նչ մարթ ա:

Կնեգյն ասում ա. — Մարթ ա իլի՛, ղոնաղ ա՛:

Մարթն ասում ա. — Դե հաց շինի, օտենքյ:

Ղոնաղն ասում ա. — Յըես միննկ խուխե մես ըմ օտում:

Ըտահանց էլ միննկ մին տղա խոխա յա ինում, պոճոճում ըն
խոխան մորթում, ուփոճում, տոնում ղոնաղեն ըռաշկեն:

Քշրհանը լսում ըն մին խուխե սնա:

Կնեգյն ասում ա. — Ա մարթ, էն հի՞նչ սնա ա:

Մարթն ասում ա. — Դե հի՞նչ գյիղամ, մին խոխա ունինքյ, էն
էլ մուրթեցենքյ:

Եր ըն կենում տեսնում ուրանց խոխան ուրուրուցումը: Էտ
ղոնաղըն էլ կա վեչ:

Նոր գլուղում ըն, վեր էտ կախարթ ա իլալ: Խուխին վըսկոնե-
րան նոր խոխա յա շինալ, ինքը քյացալ:

Կախարթը ըտաղատ քյինամ ա, տեսնում մին մարթ ցաքյ
ա պո:րոն:

Ասում ա. — Ա՛ մարթ, խե՛ կարում չըս ապրես:

էտ մարթն ասում ա. — Դե հի՛նչ անիմ, քյասիբ ըմ:

էտ մարթը էտ ցաքյին տեղը հաղուղի բաղ ա շինում, համ էլ
ասում. — Դե, բիջարի, կեր:

Մին էլ քյինում ա, տեսնում մին մարթ փաղը մեշկին քյինամ
ա, ծմակին մեշավը, համ էլ ասում ա. — Ուխա՛յ, հի՛նչ լալ խընձո-
րի ծառեր ըն է:

էտ մարթը ծմակը խընձորի ծառեր ա շինում, համ էլ ասում.
— Դե, քյինա՛ բիջարի, ապրես:

Ըտաղատ էլ քյինամ ա, տեսնում մին մարթ քարը շլակին քյի-
նում ա, համ էլ ասում. — Խուվա՛, հի՛նչ լալ վեխճըրնի յըն է՛:

էտ մարթը սաղ քարերը վեխճըրնի յա շինում, ասում. — Դե
տու էլ ըտրանավ ապրես:

Ուտունց անա վեշ մինը գլուղում չի, վեր էտ մարթը կախարթ
ա: էտ մարթը քյինամ ա մին տարի կենում, հտնան ասում. «Քյի-
նամ, տեսնամ ըտահանք հի՛նչ պանի յըն»:

Կյամ ա տեսնում ըտահանցա էն վըջիւրատարը մին վեշխար
մորթած քյեփ ա անում: էտ մարթն ասում ա. — Մին պատառ ինձ
տվաք:

Ասում ըն. — Խե՛, մըզնհետ վեշխար ըս ըշխադա՛լ:

— Լալ ա, լըհա՛ մին թիքյա՛ տվաք:

էլհա տամ չըն: էտ մարթը ծեռքերը տո:րո:ր ա տամ, լոխ վեշ-
խարնին քարեր ըն տա:նում: Ըտաղատ կյամ ա խնձորեն բաղը:
Տեսնում ա խնձորը քաղում ըն:

Ասում ա. — Մին խնձոր տվաք:

Ասում ըն. — Կլխնեբաս ըռադ իլ, կորես:

էտ մարթը ծեռքերը տո:րո:ր ա տամ, բաղը տա:նում ա էլհա
էն համան ծմակը:

Ըտաղատ կյամ ա հաղուղին բաղը:

Ասում ա. — Մին ճիթ հաղուղ տվաք:

Նթքյարն ասում ա. — Թող քյինամ ըղեն անա հըցնիմ:

Քյինամ ա, կյամ, ասում. — Տամ չի, ասալ ա, քյինա՛ սրտեն
թխե, ասե՛ քյինա՛, կորես:

էտ մարթը ժեռքերը տուրուր ա տամ, էտ բաղն էլ ա տառնում
ժմակ:

Մին էլ քյինամ ա, էն խոխան վեր կերալ ա, ընահանց տոնը:
Ասում ա, վեր ինքը ընահանց խոխան օտոզն ա:

Ասում ըն. — Բա հո՞ւնց անինքլ, մեր կլխեն մեր աշկեն յրան
ըս եկալ, պարով ըս եկալ, պեր վըննիտ տակը կանանչ-կյարմուր
թիլ քըցինք:

էտ մարթն ասում ա. — Վեր ըտհենց ա, ամամն քըշեր 400
մանեթ ա կյալու ժեր տոնը, ժեր պերցին տակը. լամ տոն շինեցաք,
լամ ապրեցաք:

